

6. flokkur: Gjald 50 aurar af hverjum 10 kg: 79
26. maí
Rafmagnsvörur og áhöld, ljósmyndavörur, viðtæki, eldspýtur, smá hljóðfæri, hljómvélaplötur, skrifstofuáhöld, vefnaðarvörur, skófatnaður úr öðru en gúmmi, almennur hvers konar fatnaður, klukkur, mælar, simar, sportvörur, skot, skotfæri, sprengiefni, sælgæti, súkkulaði, kakoduft, te, húsgögn, divanar og efni til bólstrunar, peningaskápar, jólatré, leikföng, sýnishorn o. þ. h.
7. flokkur: Gjald 100 aurar fyrir hver 10 kg:
Tóbaksvörur, tóbak, vín og spíritus, ilmvoðn og aðrar snyrtivörur.
8. flokkur: Gjald 5 aurar fyrir stykki:
Tómar tunnur og föt, uppsett og óuppsett.
9. flokkur: Gjald 5 aurar af hverju teningsfeti:
Trjáviður og allar vörur, sem reiknast eftir rúmmáli.
10. flokkur: Gjald 15 aurar fyrir hverja tunnu:
Kverkuð og hausskorin saltsild og matjessild.
11. flokkur: Gjald 25 aurar fyrir hverja tunnu:
Öll önnur sild.
12. flokkur: Gjald 50 aurar af stykki:
Nautgripir, sauðkindur, hestar, geitur, loðdýr.
Seglfestu má hvergi taka við höfnina nema leyfi landeiganda og hafnarvarðar komi til.

10. gr.

43. gr. orðist svo:

Beitutaka er bönnuð innan takmarka hafnarinnar, sbr. 1. gr., enn fremur að leggja lóðir eða veiða með dragnót, nema með leyfi hafnarvarðar.

11. gr.

Gjöld samkvæmt hafnarreglugerðinni innheimtist með 50% viðauka.

Reglugerðarbreyting þessi staðfestist hér með samkvæmt lögum nr. 64 3. nóvember 1915 til þess að öðlast þegar gildi og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 26. maí 1942.

Magnús Jónsson.

Páll Pálmason.

SAMÞYKKT

um sýsluvegasjóð í Borgarfjarðarsýslu.

80

1. júní

1. gr.

Í Borgarfjarðarsýslu skal vera sýsluvegasjóður, samkv. lögum nr. 102 19. júní 1933. Kostnaður við þær vegabætur, sem að lögum hvíla á sýslufélaginu, greiðist úr sýsluvegasjóði.

2. gr.

Sýsluvegir eru þessir:

1. Stóra-Ássvegur, frá Þjóðveginum hjá Úlfsstöðum um Signýjarstaði að Stóra-Ási.
2. Barnafosbrúarvegur, frá Þjóðveginum að Barnafossi.
3. Reykjadalársvegur, frá Þjóðveginum hjá Rjúpnalág á Þjóðveginum á Brekkukotsmelum.

- 80 1. júní 4. Syðri-Reykðælavegur, frá Þjóðveginum í Snældubeinsstaðanesi að ungmenna-
félagshúsi.
5. Nesvegur, frá Þjóðveginum hjá Skáney að Reykjadalssá móti Kjalvararstöðum.
6. Flókdælavegur, frá Þjóðveginum hjá Flókubru að Hæli.
7. Klettsvegur, frá Reykjadalssárvegi niður fyrir tún við Deildartunguhús.
8. Þingnesvegur, frá Þjóðveginum við Þórdísarholt að Árbakka.
9. Bæjarvegur, frá Þingnesvegi um Bæ norður fyrir Laugarholt.
10. Heggstaðavegur, frá Þjóðveginum við Skjólhól suður fyrir Heggstaði.
11. Skálpastaðavegur, frá Þjóðveginum hjá Fossatúni inn fyrir Skálpastaðatún.
12. Oddsstaðavegur, frá Þjóðveginum gegnt vantanlegri brú á Grímsá að Odds-
stöðum
13. Skorrðælavegur, frá Þjóðveginum hjá Ausu norðan Skorradalsvatns inn fyrir
Sarp
14. Mófellsstaðavegur, frá Þjóðveginum við Andakilsárbrú neðri sunnan Andakilsár
á Þjóðveginn við Skorradalsvatn.
15. Svínadalsvegur, frá Þjóðveginum á Galtarholtsmel yfir Laxá á Þjóðveginn hjá
Geitabergi.
16. Leirárvegur, frá Þjóðveginum hjá Beitistöðum um Leirá að Neðra-Skarði.
17. Melasveitarvegur, frá Þjóðveginum hjá Skorholti um Melasveit á Þjóðveginn milli
Hafnar og Narfastaða.
18. Akrafjallsvegur, frá Þjóðveginum fyrir innan Litlu-Fellsöxl, um Kúludalsá á
Þjóðveginn ofan við Akraneskaupstað.

3. gr.

Í sýsluvegasjóð skal árlega greiða vegaskatt af öllum skattskyldum fasteignum í sýslunni. Greiðist hann af ábúendum jarða og eigendum húseigna og lóða. Gjaldþagi á vegaskatti skal vera á manntalsþingi. Hreppsfélagi er þó heimilt að greiða skatt þennan úr sveitarsjóði að nokkru og eða öllu leyti, sé það samþykkt með meiri hluta atkvæða á lögmatum sveitarfundu, og oddvita sýslunefndar tilkynnt um það fyrir 1. apríl. Gildir sú samþykkt þar til henni er breytt á sama hátt, og oddvita sýslunefndar tilkynnt.

Sýslunefndin ákveður fyrir eitt ár í senn, hve hár skatturinn skuli vera. Má hann ekki vera lægri en 2% og ekki hærri en 6% af land- og lóðaverði samkv. fasteignamati og hálfu lægri af húseignum, nema samþykkt atvinnumálaráðherra komi til í hvert sinn.

4. gr.

Gjöld þessi má taka lögtaki samkv. lögum nr. 29 frá 1885.

5. gr.

Samþykkt þessi öðlast þegar gildi.

Samþykkt þessi, sem sýslunefnd Borgarfjarðarsýslu hefur samið og samþykkt samkvæmt lögum nr. 102 19. júní 1933, staðfestist hér með og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 1. júní 1942.

Ólafur Thors.

Páll Pálmason.